



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三一五

東潛文稿二卷 趙一清撰

一

嗽蔗全集十六卷（文集八卷詩集八卷） 張義年撰

九九

澄碧齋詩鈔十二卷澄碧齋別集四卷 錢琦撰

二五三

螢窗草集八卷 朱瑤撰

四〇三

愛廬詩集十四卷首一卷 甘禾撰

五六五

乾隆甲寅年鑄

東潛文稿

小山堂藏版

東潛文稿

東潛文稿序

吾友趙君誠夫敦敦几案不雜他嗜讀書既多著書亦富所爲文辭日益奧衍其目之所注雖有幽蹟微隱之處皆能昭然晰之而無疑其思之所注雖有耆儒魁士之說皆能岸然闢之而不顧世之人方適適然驚其浩沔畏其風議則以爲文辭之工也云爾嗚呼吾所謂工者豈謂其能獵百氏之辭與其調哉吾未見不空百氏之所有而能謂之工者也亦未有不兼百氏之所無而能空百氏之所有者也王介甫之自言曰自百家諸子之書至於難經素問本草諸小說無所不讀農夫工女無所不問然後於經能知其大體而無疑介甫之文具在深求其所讀與所問則固枵然無一有也夫枵然一無所有則何以謂之介甫矣而介甫之所以爲介甫者則非以其能讀之能問之而謂其能空之也誠夫之文於介甫不類世之人卒亦未嘗以介甫目之卽作者亦不敢自目爲介甫也而吾獨以爲能爲介甫之文者誠夫也何也爲已能兼百氏之所有也夫兼百氏之所有而吾卽以爲能爲介甫非爲介甫者之若此易易也爲夫無介甫之所有而妍妍然卽斬至於介甫者之多是所謂反踵卻行愈求而愈不至者也而誠夫已能兼其所有若此則吾之所期於誠夫者豈徒以其能兼

東潛文稿

序

清代詩文集彙編

二

之矣乎而誠夫曰未能也子益我吾猶靳至乎兼之云爾
杭人杭世駿撰

東潛文稿

序

吾友復堂輯其尊甫東潛先生遺文凡若干首爲集若干
卷屬余序之先生家杭州自其先世多積書世傳趙氏小
山堂者也先生於書無所不讀爲考據之學深浩不可涯
涘然世之稱先生者尤推其邃於地理自

國朝亭林顧氏潛江閻氏東樵胡氏諸家爲地學九號卓
絕先生既晚出博與之等而精或過之時或摘諸家之短
著爲論說今猶往往散見於集中其邃於地學良然余
觀先生所爲文大抵務爲根柢故其綜攬百氏反覆辨難
以歸於精核他文無不類然又非獨地理而已先生嘗著
水經注釋五十二卷既行於世乾隆三十有八年有

東潛文稿

叙

詔開四庫館搜訪天下圖籍於是所著水經注釋錄入中
祕而是集獨以未編輯不獲進文章之顯於世其先後遲
速豈亦有數存乎其間者耶余讀先生集尤善所言水利
事以爲非經生所能道雖其事未可卒行然未嘗不俾其
識觀先生書徐貞明遺事一篇指畫詳悉犁然具有本末
直可施行亦可以知其言之不誣矣夫言有裨於治理乃
立言之大者余故表而出之以俟後之讀先生集者南康
謝啓昆

東潛文稿目錄

卷上

秋水賦

環水樓賦

欽奉頒發大清會典頌

平西頌

洪範五行連珠

水經注釋序

遼史拾遺序

營庭錄序

春鳧詩稿序

續泉志序

募修真武院疏引

恆游記

翼然亭記

重建龍岡書院碑記

新建定武書院碑記

重修定州全房邨螞蚱廟

東潛文稿目錄

碑記

重修羊太傅祖墓祠記

松吹書堂記

小隱園記

外氏世次記

大母朱太君安葬記

重書曠亭記

宋忠義柳先生傳

明江西參議錢喜起傳

劉義士傳

趙瑾叔傳

符葯林先生傳

邢孝貞婦傳

曹烈婦傳

光祿大夫

經筵講官工部尚書鐵巖公行狀

命代作

卷下

楚莊王入陳非霸討論 楚關宜申爲君討賊論

吳蜀兵勢論一

吳蜀兵勢論二

吳蜀兵勢論三

蜀先主論

張昭論

陸遜論

田疇論一

田疇論二

杜預論

諸葛忠武侯隆中考

關壯繆封爵考

泰山五汶考一

泰山五汶考二

泰山五汶考三

泰山五汶考四

泰山五汶考五

盧奴水考

浙學源流考

東潛文稿目錄

唐書褚河南世系考

蒲將軍非棘蒲侯辨一

蒲將軍非棘蒲侯辨二

蒲將軍非棘蒲侯辨三

辨正漢書地理志一

辨正漢書地理志二

辨正漢書地理志三

西湖非明聖湖辨

西伯戡黎說一

西伯戡黎說二

西伯戡黎說二

補正左傳逸文二則說

讀公羊傳說

大夫奉使長子家老從行

說

徐邈中聖人說

疏消文大二邑積水議

答禹貢三江震澤問

書徐貞明遺事

敘武林金石錄遺事

清代詩文集彙編

四

書李固傳後

宋刻九經字樣跋

黃夫人誄詞

亡女哀誄

東潛文稿

目錄

三

東潛文稿卷上

仁和趙一清誠夫

秋水賦

以震散成綺江淨如練爲韻

當金蠶之司序屬桂影之漸加望盈盈其若卽思渺渺而無涯欣對夕陽波底映來一抹紅霞清氣上資於西顥元言遠契於南華此誠九秋之佳勝而觀于水者之有獨誇也若夫羨良辰之可待等物理乎同觀釣巨鰲于東海狎馴鷗于湖畔清取類于芙蕖明比象于銀漢來作乘槎之客機石可尋才聞唱晚之舟菱歌未散爾乃方塘凝碧宛在一泓輕雲浦遠略約溪橫景物呈露悠然目成是固宇宙之要眇而取之而莫爭也方其氣斂神恬情殷興起縱孤櫂而夷猶聆清言而徙倚學人以之澄心高士以之洗耳人共樂胥具曰予美使微風之澹淡擬縠紋之如綺鏡拭而不受塵侵笏滑而不汙泥滓倘雜誦乎秋水之篇直欲繼前賢之芳軌時則清霜戒寒白露橫江水石乍激飛沫交撞天風相遇聲流淙淙文成自然工在寡雙推乎行險之由攬乎涵空之勝極天地之變蕃將遊目而寓興泯知識于忘機愜素懷以相證涉川上以流連滌煩襟而逾淨已而天籟作人籟靜微微涼吹柳外烟銷湛湛清華檻邊月映潛聽蟋蟀之鳴堦鶴唳長空而聲應夫水之爲物也積於太虛迤匯爲澤習坎成渠及其湏洞浩漉又焉測

其所如斯晝夜之不舍隨盈縮於蟾蜍繹庚辛之名義每致慨於遞運之乘除尚難窮於至道躬返息於幽居乃爲之歌曰秋扶疎兮光縈轉水流潔兮橫匹練寫秋懷兮懷獨異德之明兮馨可薦又歌曰石齒齒兮湍洄漩漂千里兮駛如電波伏不驚兮風徐來江上峯青兮人不見

東潛文稿

卷上

一

環水樓賦 有序

粵以上章敦牂之歲律中無射之月勃海公以盛年偉略持節瀛州使院之西偏有樓曰環水蓋九十九澱之匯流七十二沽之歸墟也徘徊瞻眺明滅似見夫蓬萊賓從風流觴詠時臨乎爽塏身非太虛之才寧堪作賦公具眉山之雅爰詔陳詞賦曰

神京之東九河之閒清淇洹漳滏易涑濡之水積焉潯沱嘯夷實惟大川同歸于海津流通天使院之設巖榷是專渠展之斥以煮以煎公餘晏息結樓西偏四周臨水如環之圓渺望無垠逍遙偃佺使君聽政之暇曠覽極目顧而

東潛文稿

卷上

三

樂之屬余樛散斐然有詞進陰鏗而琢句異王粲之登樓地分雄于畿甸郡卓犖乎方州重屋竦桀于霄漢飛清交映乎雕鏤俯察品類之冥茫恍若崇岳之視培養也爾其層臺倒影束宇相承欒櫨嵯峨以崛起并榦森布而騫騰納八風之飄飄吹萬頃之鬚髯公玉獻明堂之圖旋築宮于汶上楊侯題水晶之句徵妙詠于吳興若夫掘鯉之淀丁字之沽聖女採樵之地郎君擔生之區石稱神白河號訶摩那子願之記載嘉名夙擅許元度之託興好景難摹羯勒據漂榆之城利盡斥鹵阿瞞通渠洵之口澤徧離奴蜃氣綽約于扶桑鸞馭翱翔于姑餘緬茲樓之魂怪惟一

水之縈紆蘭砌金鋪升辰上日酒肴雜陳管絃凝密學曼倩之談諧借江郎之綵筆張茂先敘神異之經陶宏景樂隱居之室綠窗朱檻排雲連棧月當流處橫空匹練之秋山可招來想像芙蓉之瓣怡情適志銷憂忘患而況心虛不競目遠能明冰持玉瑩時和治成如鏡斯茹如衡斯平滿而不溢巍而不傾選梁園之佳客作君子之頌聲使君曰善吾將勒之貞珉而永以詒後人也

東潛文稿

卷上

四

欽奉頒發大清會典頌有序雍正十二年

臣聞書契之作用代結繩功德之崇必由制度古制自夏政典周官經而後明且備矣若漢官儀唐六典通典政要會要宋政範寶訓國典治跡統類元典章通制經世大法皆本祖訓貽爲孫謀君咨臣儆克無怠荒追明宏治十年始做會要集成會典刊於正德續修於嘉靖萬歷兩朝重等球璧永垂睿哲之規櫺頒示臣工盡是賢能之法守洪惟我

太祖高皇帝丕握靈符誕膺寶錄

真人出於遼水

東潛文稿

卷上

五

帝子降於龍沙躬著戎衣邁邠岐之累德手提尺劍類豐沛之勃興

太宗文皇帝負展當陽旣共懷乎

粹表御圖出震又大啓其昌期繩準陰陽方滋元氣主持

圭鬯若闢洪初

世祖章皇帝歷數承堯謳歌歸禹誕敷文德載續武功駕馭風雲驅馳羆虎命百戰百勝之將動九天九地之師一舉而關隴底平再舉而江南卽下旋乾轉坤左日右月廓氛霧於寰區出黎元於塗炭中國有

聖人無思不服

王者大一統咸與維新凡此 開國之勳猷悉屬當官之紀載我

聖祖仁皇帝日新盛德天縱多能仁風翔洽於九垓惠澤周流乎六幕紫宮運德風來南面之薰黃幄凝神星拱北辰之照瞻海嶽以呈華協龜龍而兆慶六十年厚澤雖丹書碧篆莫罄其詳一二日萬幾惟金匱石室乃傳之久誠所謂建其有極蕩乎無名者矣欽惟我

皇上聰明作后兢業法天德奉三無實範圍於元化功安九有思參象乎隆平西被東漸慶萬方之齊軌南誥北燮調六氣以咸鈞 靈襟開而垂拱成 寶思集而經綸創

東潛文稿

卷上

六

方策布於來茲鴻編勒於 昭代 特命儒臣纂修會典顯謨承烈皆有與

天合撰之麻縷晰條分無非率

祖攸行之事小大畢陳遠邇靡開百官以之得序百姓以之平章於是和風暢玉燭調泰階平金鑑上福祚靈長神基崇峻兼道網德綱而具舉極上蟠下際以爲功良法美意奉爲儀型博采廣稽臻乎純粹臣遭逢 盛世願近清光仰咫尺之

天顏觀昭回於雲漢益抒愛戴之誠共迪太和之化自慚陋質敢綴蕪詞彌著虔恭用揚懿美頌曰

允矣 大清赫赫明明文教既廣鉅典用成於以慎罰於以休兵樂歌大雅歷頒始正明堂清廟黼藻挺紘纂修課逆定爲章程章程世守入告我

后我

后聖神惟德惟懋抱義戴仁禮耕學耨化惟日新人惟求舊爲龍爲光宣昭宇宙

至人首出遼海之東奄有方夏薄伐西戎指揮克定告厥成功

列聖繼繩文武之澤作民父母有聞自昔既忠且厚皇天是格得其根茲威福惟辟澗瀍營洛史逸作冊自時厥後

東潛文稿

卷上

七

伐有圖籍照臨怙冒施及蠻貊航海梯山來供玉帛遵彼周行動罔不臧王道蕩蕩

聖謨洋洋知所損益陳其紀綱監於成憲不愆不忘治民祇懼受命溥將光紹休烈一有元良小臣欽翼稽首答揚萬年永保有道之長

平西頌 并序

粵惟我

聖清之受命延洪也以武功平大亂以文德柔遠人薄海內外悉主悉臣制禮作樂百年於茲休養生息天幬地載皇帝御極之二十年西戎即敘乃駕紫虬升黃鳳秉玉戚臨青工殲厥渠魁脅從罔治部落裨王交臂屈郿獻俘太廟大赦天下甚盛烈也在昔噶爾丹者逃居西部狼顧鷗張我

聖祖仁皇帝親總六師龔行天伐禡牙授律斬溫禺而勒銘執居次以返旆不欲窮兵黷武示以寬大予以生全雜

東潛文稿

卷上

八

種潛滋肯恩悖德策旺阿拉布坦跳梁於前準噶爾稔惡於後

世宗憲皇帝赫然震怒 命衛霍之將 賜韜鈴之略嚴斥埃列亭障旛旄翼如遊龍金鼓殷而奪日梯衝翔舞鉤盾紛連歐脫不煙穹廬掃迹氣壓天驕拳縮悚惕夫以日月臨炤之明海山涵負之量視茲小醜置於畫外雖漢文之答匈奴光武之辭馬武不是過也

皇帝睿智亶聰仁武不殺神羊立陞平路生庭迺準部遺孽達瓦齊躬行弑逆黨與披離爰興問罪之師大奮 乾剛之斷上膺

天佑俯順輿情數亂常之虐殄安忍之凶扶植紀綱剿除殘寇曠乎洗洗蕩蕩之懷納諸皞皞熙熙之域萬帳歸心兆人悅服其有識時棄暴慕化輸誠者金繒冠佩以榮之酒醴笙簧以樂之旌異之典至優渥矣錫之爵祿謀及室家雉窩鼠穴敢竊窮荒蠕動翽飛咸入編戶尊於彼俗曰天可汗奉於

中朝曰

大皇帝爾乃遊魂無所束手待誅徽索齊斧伸脰絆足坐之纊下釁之軍鼓因風燎原以湯沃雪投石糜穀決水建飯駭轟嘈囂咤彭最後不淹時威行絕漠續

東潛文稿

卷上

九

聖祖

世宗之緒廓千秋萬歲之基善繼善述孝莫大焉書曰兼弱攻昧取亂侮亡言事有可乘也詩曰六月棲棲戎車既飭言時不可失也昔漢帝朝呼韓邪於甘泉宮幸長平坂詔單于毋謁位在諸侯王上唐宗服咄摩支建牙鬱督軍山頽利請臣爲幸靈州次於涇陽張燕高會置朱提瓶潛泉浮酒轉受百斛錄益回紇數千人飲之不能盡雖皆昭垂史冊方之今日寧足多與我

皇上用力如此之少戡亂如此之神若霽霖雨若安衽席當與顓頊平黎虞舜格苗成湯祝網周文因壘比隆齊絜

三代之上區區漢唐曾何足云夫史岑漢臣也出師猶進
頌焉柳宗元唐臣也平淮西猶奏雅焉臣浙中下士才能
不逮前人而盛世鴻功光於往代伏讀明詔不勝懼
忭謹拜手稽首而獻頌曰

於鑠

王師動而待時賊臣作孽解體分支用張撻伐誰曰不宜
螳臂之當適爲我遺廟堂算略士夫宿飽翠蓋逶迤龍
媒騶襲龜筮叶從先機之兆吉迎日逐并護北道一月三
捷星流電掃

帝曰俞哉長驅直擣篡弑之逆其惡則一

東潛文稿

卷上

十

帝曰罔赦急擊勿失抱馬而迎肉袒而出汝毋狃勝汝毋
違律予惟汝功汝其往率六郡良家三輔少年引關蹶張
所向無前鳴鼓厲角揚兵九天桓桓定遠戎事克績水涉
蒲昌山踰箭筈撫劍伊吾取馬大宛延壽子公繼此或罕
乃犁其庭聿彰

天刑如入酒國醉者亦醒眉揚太白角斂狼星建表設餽
殪厥封豕車書混同咸吾赤子葱嶺榆溪近在戶圉賚予
優崇賞格莫比罪人斯得頭懸藁街谷蠡當戶奔走偕來
我

皇之威如霆如雷我

皇之仁如江如淮曰作不順則殺其軀革面革心
後來其蘇宜禾漁澤咸拱

帝都爾爾爾田爾宅爾區戎兵克詰聲教覃敷始而集議
衆口紛爭

皇心是謀惟斷乃成昆蛟感惠爲毒爲亭億萬斯年福我
聖清

東潛文稿

卷上

十一

洪範五行連珠 各一首

蓋聞天一發源澤流於潤下坎爻中滿履位於北方味別作鹹音更協而成羽聲入爲聽德又合於能聰是以疇衍爲九天以錫夫夏王律中於冬神實配夫元冥黑旂辨服聿有叶光紀之名河伯效靈共推水德王之制

蓋聞地二施功煥光華於炎上離中虛畫出聽治於南門作苦味殊音乃協而成徵見遠惟視德又合於能明是以議禮偶愆兩觀之災書於魯史任賢勿貳知人之哲美於唐堯

蓋聞天數惟三形乃象於曲直帝出乎震色取類於元黃東潛文稿 卷上 三

味則作酸音實中而爲角事則爲貌義有當於能恭是以句芒主正青帝司年祝融代之而生物正月椒嘗二月降婁大梁合之而同躔

蓋聞地數四生象乃取諸從革兌爲秋正火漸退而西流味則作辛商實中於正律言以爲事義有當於能從是以或語而偷或語而傲出諸口而卽見或辭之輯或辭之懌驗諸身而足徵

蓋聞天五生土先知稼穡之艱難洛書六篇數起黃鐘之宮律味甘而作和羹鹽梅是輔思通而希睿聖夫婦與能是以寄王四時實爲萬類之根本統元三正肇開人事之

首先有坎離既濟之功水火不相射居兌震中央之位雷雨當其時

東潛文稿 卷上 三

水經注釋序

盈天地之間數物有萬而物莫不始於一說文部敘始一終亥徐楚金曰一天地之始也一氣之化也天一生水而地六成之五行之次惟水最先此易數與箕疇互相發也故水浮天而載地元氣之布濩筋脈之流通昔賢譔述尊之曰經酈氏條分詮之曰注審其遠近之端詳其小大之勢於是源流之徑趣歸宿之殊區所謂經水枝水川水者百世悠悠如指諸掌唐六典云天下水泉三億三萬五十九蓋若是之夥也觀夫善長之爲人志氣剛毅故起例謹嚴博覽羣書故馳詞綯發以視江左諸公習尚浮華競誇

東潛文稿

卷上

十四

雕組殆羞與絳灌爲伍矣後之職志方輿者如李宏憲樂永言王正仲之流莫不掇其菁華奉爲著蔡其間缺失五卷始記於崇文總目暨宋南渡中原文獻或失其傳學士大夫罕言其義雖嘗補於元刊於明日月寢久譌舛實多南州朱鬱儀中尉起而箋之疑人之所難疑發人之所未發論者以爲三百年來有數之作余愛之重之忘其固陋而爲之釋釋之云者所以存朱氏之是兼弼酈亭之違也錄取片長便成佳證助之張目足爲快心若夫箋有繆盭則削而投之所遺漏則補之別爲刊誤不欲屢入卷中惑人視聽開闢歲月始勒成編余因思水之爲道也由人之

治與不治耳治之則爲利甚溥不治則爲患甚鉅而是書又在人之能讀與否耳善讀者追惟古帝澤水警予之心用致地平天成之業而況農田水利之興慶流於宗社澤被於生民關中鄭國之渠秦所以幸兼諸侯也塞下宜禾之府漠所以遂威絕域也陳協代龍之堰安平沁口之埭智通在我雲雨由人干戈擾攘之際曷嘗廢浚遏之勤乎且夫李冰之平滄崖楊渙之開石牛周君光瀧水之勦張景明漳河之績載籍書之于今爲烈彼杜君卿之不揆顛末橫肆譏平鹵莽滅裂斯已過矣嗚呼八枝代絕九畫茫茫河身南徙淮不敵黃二渠不醜四瀆或亡豈天數之使然抑人謀之不臧也若乃絺章繪句躡影希聲規索枕中之祕竊侈談柄之助風斯愈下吾無取焉

東潛文稿

卷上

五

遼史拾遺序

遼之有史何也金承遼元承金相次迭興元既統一區宇因命修遼史與宋金並列之而三也推其初灰牛氏之部落始廣枯骨化形載豬服豕怪誕之詞君子不道迨阿保機兼八部之雄君臣創造相與疇咨峻烈淵謀巍乎煥矣後主涼德弗克負荷興替之感亦足以昭垂史冊取鑒來茲顧當脫脫等纂輯時遼之文獻無徵簡率弗稱識者病之同里厲徵君博學好古學者稱爲樊榭先生嘗以遼史缺略太甚畢中身之業詳注而辨證之名曰拾遺正史自史記前後漢書三國志五代史而外注者鮮矣草茅之論議未準於朝家晚近之傳聞懼違於古訓無開局辟官之詔則廩餼不給乏甲乙縹帙之藏則識見弗周其稱引淹雅論議詳正若裴松之顏師古之流因文見義爲史氏功臣指不多屈矧耶律氏發迹邊陲經綸草昧方諸前哲我任其難且余微窺先生之用心非特訂繆補亡已也蓋別有旨趣存焉當今車書混一八荒在宥大同國之屏翰關東國之根本幽薊涿易實畿甸洪基萬年永賴遼之舊疆視漢扶風馮翊爲九重前事之不忘後事之師也注史之義其在斯乎其在斯乎余於先生通家年少不以余之固陋屬序于余詩曰采葑采菲無以下體先生有焉

東潛文稿

卷上

十六

管庭錄序

嗚呼小學之不明於世久矣音韻既殊形體亦變經史法語之文能考訂者誰乎而俗尚隨時則又莫可信從嘗記幼時舉煇字問塾師師以指畫肚久之曰字書有烹煎魚炙等字無若說也且兒曹讀書取科第四子書專經外不宜紛雜究心安用識此奇字爲余唯唯而退稍長讀昌黎陸渾山火詩云燭炮煨燻熟飛奔燻字居然入咏顧一切屏棄不令學者得窺視何耶恨余天性失記有言若忘帚之歎日取片紙錄所見聞藏之笥篋又苦其散漫無稽也思銓次而排纂之提綱挈領粗有條緒雖文不備載義不盡舉而恆言雜用務徵來歷閒出鄙意附焉名曰管庭錄以所見者小也語云不賢者識其小者某雖不賢爲之猶賢乎已昔揚子雲錄天下上計孝廉及內郡衛卒之語作爲方言其後顏之推有證俗音字顏師古有匡繆正俗趙叔向之肯綮錄焦竑之俗用雜字古人畱心斯道蓋亟亟矣余又烏敢頡頏名賢妄希售世將以付之兒子教之略識大概俾侍坐於先生長者之側不至如瞽者之無相而吃者之酬答或瞠目如注射斯幸矣宋廬陵孫奕季昭氏著示兒編其自序云上不能進之於聖賢之域下不能引之於利祿之途以平生之末學示之使後世賢廣吾意不

東潛文稿

卷上

十七

賢毋謂吾不汝誨也履齋之旨殆與余合故重述焉小子識之

東潛文稿

卷上

七

春臯詩稿序

詩乾坤之清氣也作詩者非鍾夫清氣弗能爲也四時之清氣莫尚乎秋秋之爲聲也靜夜無塵天籟徐響傾耳聽之冷然善也忽焉鬱懣濤怒震蕩而不可遏駭人心目惟詩亦然澹遠者神也堅凝者質也而一以氣行之然而非專任夫氣也學以裕之情以通之識以持之理以析之體物工而性靈出于以微內養之醇而造孤詣之極葑林先生爲詩且五十年既壽而康至老不衰匡居茆屋之下恬吟密咏以自娛樂豈非有得於兩閒之清氣者乎編年別集傳刻者屢矣今又哀其近作將付梓人屬序於某先生與先徵君稱至交生平知己一人而已某又獲遊宗匠之門知先生最稔其學深其情摯其識高其理明粹乎冲穆之容淵乎汪洋之度蓋有德者之言而非世之絺章摘句與一切矜奇炫博靡靡曼曼之所敢希望其後塵也不才無似奚以應命無已則舉先生自言可乎臯亭看梅云吟詩厭作尋常語一字鉛華不肯安鄧尉看梅云梅花主掌春權柄風雨收將入苦吟翦燈暗對以證拈花之笑或有會於微旨也夫

東潛文稿

卷上

九

續泉志序

胡君道周一日盡出所弄古錢示余中有一大錢土花活碧重暈掩質明處光可以鑑指以謂余曰此新莽貨錢之鎔也今幾二千年矣轉以乞子且曰漢書食貨志云冶鎔炊炭應劭曰鎔形容也作錢模也昔花山馬衍齋有大泉五十錢鎔朱竹垞爲之銘并著跋語題之曰范古之治器者以木曰模以土曰型以金曰鎔以竹曰範範與范通禮少儀云左右軌范乃飲太元經云矩范之動成敗之効皆取法式之意是也君之博識類如此乃復縱觀所著續洪文安公泉志辨齊大公杏爲齊大公貨定臺主衣庫錢文東潛文稿

東潛文稿

卷上

三

古錢見棄於時勿適於用爲足深慨也以君儲畜之富稍稍流布竊恐好事者按圖求之君卽欲自珍祕而有不可得者矣君名履泰錢塘人

東潛文稿

卷上

三